



POU SÈRER L'UCH PADRÎ L' FAUVE (ÉPILOGUE)

D' après c' qu' on pout è sawè, è l' Atlantîde i gn'avève nén qu' l' A.L.A. (Armêye d' Libèracion Atlinte). I-z-î ont conxhu l' F.A.T.R.A. (Fwaces Atlintes Tchafiaudes Rôyant Autrivîè), l' E.T.A.A. (l' Eco Tapèdje Atlinte Arnauje), l' K.A.W.A. (l' Kèsse Atlinte Wachote Apougne) èt vos n'd'aroz come li K.A.K.A., l' K.A.W.È.T.E. oucubin l' B.A.K.U. qui n' ont wère lèyî d' èritâdje è sicrijâdjès à dispouyî. Faut bén dire qu' i-z-ont tant fait po s' libèrer d' yin d' l' ôte èt s' taper dsu l' mouzon, pwîs à s' calindjî, pwîs à s' arindjî, adonpwîs r'comincî, qu' i-z-ont fini pa tot distrûre èt n' pus rén lèyî padrî zèls. Si bén qu' on saît pus wère di leû civilizâcion, leûs-industrîyes èt leû istwère. Tot-a disparètu au fén fond d' ène basse, parèt-i. On n' èst min.me nén sûr di sawè qué basse. Là-dsus, l' timps a passé èt lèyî dès moxhnûres, dès man.nèstés, dès cayèts èt dès-indjoles. Lès eûwes ont discrèchu èt vos savoz c' qui nosse payi èst divnu... Alèz, l' bas dèl fouye èst là èt l' fauve èst finîye. A vos dèl rilîre, d' î riwêti

mia èteûre lès imaudjes èt d' î co lire inte lès rôyes, p'tète qu' adon vos compurdroz c' qu'on a sayî d' dire èt d' fé comprinde. Mins, "n' èst nén filosofe qu' î l' vout", come li dijève si bén Tan-Kon-al San-Té, l' soçon da Wêt-a-Ti Kil Tchéen Tagne, vî sto da Confucius.

Vos è fyoze-v' si on mache lès moudêyes di sicrijâdjès èt d' walon d' vèci oucubin d' avaurla ? Nén nos, na.

FAUVE

Sayète po fé tûzer
(faut-i l' crwêre ?)
pa Djozé

raclapêye d' sus dèss imaudjes
da Pal Lukacz

